

Abdullah dianugerah Ijazah Doktor Kehormat bidang Kemanusiaan

KUALA LUMPUR 20 Julai – Perdana Menteri, Datuk Seri Abdullah Ahmad Badawi akan dianugerahi ijazah Doktor Kehormat dalam bidang Kemanusiaan oleh Universitas Islam Negeri Syarif Hidayatullah Jakarta semasa lawatan beliau selama dua hari ke Indonesia mulai Ahad depan.

Upacara itu akan berlangsung Isnin, di universiti itu dengan Abdullah menyampaikan syarahan berjudul *Islam, Modernisasi dan Globalisasi* dan kemudian merasmikan seminar mengenai Islam Hadhari pada hari yang sama.

Kenyataan Wisma Putra hari ini mene-

UM-21/7/2006
rangkan anugerah itu sebagai mengiktiraf sumbangan Abdullah dalam pembangunan dan pemupukan kerjasama budaya dan politik antara Malaysia dengan Indonesia khususnya dalam pengukuhan jaringan hubungan masyarakat Islam sederhana di kedua-dua negara.

Abdullah akan mengunjungi Presiden Indonesia Susilo Bambang Yudhoyono sebelum pulang ke tanah air.

Menteri Pengajian Tinggi, Datuk Mustapa Mohamed akan mengiringi Perdana Menteri, kata kenyataan itu.

— Bernama